

# SLUŽBENI LIST

REPUBLIKE BOSNE I HERCEGOVINE



# СЛУЖБЕНИ ЛИСТ

РЕПУБЛИКЕ БОСНЕ И ХЕРЦЕГОВИНЕ

Godina IV - Broj 23

Ponedjeljak, 26. juni/lipanj 1995.  
SARAJEVO

Akontacija pretplate  
se utvrđuje  
kvartalno

278

Na osnovu Amandmana LI tačka 5. stav 3. na Ustav Republike Bosne i Hercegovine, Predsjedništvo Republike Bosne i Hercegovine, donosi

## UREDBU SA ZAKONSKOM SNAGOM O IZMJENAMA I DOPUNAMA ZAKONA O AMNESTIJI

Član 1.

U Zakonu o amnestiji ("Službeni list RBiH", broj 36/94) iza člana 2. dodaje se novi član 2a. koji glasi:

"Član 2a.

Po proteku roka od šest mjeseci iz člana 2. Zakona o amnestiji, amnestija iz člana 1. Zakona o amnestiji primijeniće se na lice koje boravi u drugoj državi, izuzev u Republici Hrvatskoj, ako u roku od 30 dana od dana stupanja na snagu ove uredbe da izjavu najbližem diplomatsko-konzularnom predstavništvu Republike Bosne i Hercegovine da će se po pozivu Ministarstva za izbjeglice i socijalnu politiku ili drugog nadležnog organa u roku od tri mjeseca od dana oglašavanja poziva vratiti u Republiku Bosnu i Hercegovinu i javiti svojoj jedinici ili najbližoj jedinici, ustanovi, komandi ili štabu oružanih snaga ili organu uprave nadležnom za poslove odbrane."

Član 2.

Ova uredba stupa na snagu danom objavljivanja u "Službenom listu RBiH".

PR broj 01-111-341/95  
24. juni 1995. godine  
Sarajevo

Predsjednik  
Predsjedništva RBiH,  
Alija Izetbegović, s. r.

279

Na osnovu člana 6. Zakona o Vladi Republike Bosne i Hercegovine ("Službeni list RBiH", broj 13/94), člana 14. Zakona o Vladi Federacije Bosne i Hercegovine ("Službene novine Federacije BiH", broj 1/94) i člana 65. stav 1. Poslovnika Vlade Republike Bosne i Hercegovine, Vlada Republike i Federacije Bosna i Hercegovina, na sjednici održanoj 19. juna 1995. godine, donijela je

## RJEŠENJE

## O OSNIVANJU EKSPERTNE GRUPE ZA SARADNJU REPUBLIKE I FEDERACIJE BiH SA SR NJEMAČKOM

I

Osniva se Vladina Ekspertna grupa za saradnju Republike i Federacije Bosna i Hercegovina sa SR Njemačkom u slijedećem sastavu:

1. MUSTAFA PAMUK, predsjednik;
2. ANTON BALKOVIĆ, zamjenik predsjednika;
3. HASAN KONJHODŽIĆ, član;
4. FIKRET KASUMAGIĆ, član i
5. MUAMER JAROVIĆ, član.

II

Zadaci Ekspertne grupe su da saraduje sa određenim Vladinim i drugim institucijama SR Njemačke, a naročito u cilju:

- razmjene iskustava u razvoju političkog i državnog uređenja i sagledavanja mogućnosti primjene iskustava SR Njemačke u ovim oblastima, a posebno u pogledu funkcioniranja parlamentarnog i federalnog sistema na relaciji Savezna država - pokrajine;

- traženje i usaglašavanje podrške Vlade SR Njemačke na rješavanju odnosa Republike i Federacije Bosne i Hercegovina sa međunarodnim institucijama i grupacijama (MMI, IBRD, WAT (GATT), EC i dr.);

- pripremanje i usaglašavanje međudržavnih ugovora između dvije države, a posebno ugovora u oblasti privredne i trgovinske saradnje;

- razmjene iskustava i stvaranje osnova za obnovu i razvoj privredne i finansijske saradnje, pri čemu treba uzeti u obzir i zatečeno stanje;

- iznalaženje i usaglašavanje oblika za pružanje materijalne pomoći Republici i Federaciji Bosna i Hercegovina i stvaranje preduslova za usmjereni odnosno plansku obnovu Republike i Federacije Bosna i Hercegovina, a posebno infrastrukture, proizvodnih kapaciteta, objekata socijalnog standarda;

- realiziranje neophodne humanitarne pomoći, rješavanje problema izbjeglica sa privremenim boravkom u SR Njemačkoj i njihov povratak u Republiku i Federaciju Bosna i Hercegovina zasnovan na uspješnosti rješavanja naprijed navedenih ekonomskih pitanja;

- razvijanje i unapređenje saradnje i rješavanje i drugih pitanja od interesa za dobre odnose između Republike i Federacije Bosna i Hercegovina i SR Njemačke.

III

Ekspertna grupa raditi će timski s tim da će se unutar Grupe izvršiti pojedinačna zaduženja za uža područja djelovanja.

Ekspertna grupa može, ako to ocijeni za potrebno, za svoj rad angažovati i druge kadrove, a naročito kadrove specijalizovanih struka.

IV

Vlada Republike i Federacije Bosna i Hercegovina može, kada to ocijeni potrebnim, Ekspertnoj grupi izdavati odgovarajuće smjernice za rad, te potrebna ovlaštenja.

## V

Ekspertna grupa izradit će prijedlog programa svog djelovanja i podnijeti ga Vladi na usvajanje u roku od 30 dana od dana njenog osnivanja.

## VI

O svom djelovanju Ekspertna grupa izvještavat će Vladu redovno po sopstvenoj procjeni ili po zahtjevu Vlade.

## VII

Stručnu i drugu pomoć Ekspertnoj grupi pružit će Ministarstvo vanjskih-inozemnih poslova.

Na zahtjev Ekspertne grupe stručnu i drugu pomoć pružit će i drugi republički organi i organizacije u okviru svog djelokruga.

## VIII

Način rada Ekspertne grupe zasnivat će se na odredbama Poslovnika Vlade Republike Bosne i Hercegovine o načinu rada radnih tijela Vlade (čl. 66. - 74.).

## IX

Ovo rješenje stupa na snagu danom donošenja, a objavit će se u "Službenom listu RBiH".

V broj 99/95  
19. juna 1995. godine  
Sarajevo

Predsjednik  
Vlade R/F BiH,  
dr Haris Silajdžić, s. r.

280

Na osnovu člana 13. Zakona o javnim preduzećima ("Službeni list RBiH", br. 4/92, 21/92 i 13/94), Vlada Republike Bosne i Hercegovine, donosi

## RJEŠENJE

### O IMENOVANJU VRŠIOCA DUŽNOSTI DIREKTORA JAVNOG PREDUZEĆA "BOSANSKO-HERCEGOVAČKE ŠUME"

Za vršioca dužnosti direktora Javnog preduzeća "Bosansko-hercegovačke šume" imenuje se SEAD HADŽIABDIĆ.  
Ovo rješenje objaviti u "Službenom listu RBiH".

V broj 85/95  
31. maja 1995. godine  
Sarajevo

Po ovlaštenju predsjednika  
Vlade RBiH,  
mr Faruk Smailbegović, s. r.

Po izvršenom savjetovanju sa izvornim tekstom utvrđeno je da se u tekstu Naredbe o spisku roba čiji je uvoz na kontingentu "K" i dozvoli ("D") koja je objavljena u "Službenom listu RBiH", broj 16/95, potkrale niže navedene greške, pa se na osnovu člana 102. Poslovnika Vlade Republike Bosne i Hercegovine ("Službeni list RBiH", broj 2/94) daje

## ISPRAVKA

### NAREDBE O SPISKU ROBA ČIJI JE UVOZ NA KONTINGENTU "K" I DOZVOLI ("D")

- U tački 1. u glavi 9. iza broja "0901.12", dodaje se novi broj "0901.2" i riječi: "kafa pržena K".

Broj 02-349-1/95  
20. juna 1995. godine  
Sarajevo

Iz Sekretarijata za zakonodavstvo  
Vlade RBiH, pomoćnik sekretara,  
Azra Bublin, s. r.

Po izvršenom savjetovanju sa izvornim tekstom utvrđeno je da se u tekstu Odluke o utvrđivanju obima kontingenta za uvoz robe ("Službeni list RBiH", broj 16/95) potkrale niže navedene greške, pa se na osnovu člana 102. Poslovnika Vlade Republike Bosne i Hercegovine ("Službeni list RBiH", broj 2/94), daje

## ISPRAVKA

### ODLUKE O UTVRĐIVANJU OBIMA KONTINGENTA ZA UVOZ ROBE

- U tački I Tarifni broj i tarifna oznaka umjesto broja "09.02" treba da stoji broj "0901.2".

Broj 02-350-1/95  
20. juna 1995. godine  
Sarajevo

Iz Sekretarijata za zakonodavstvo  
Vlade RBiH, pomoćnik sekretara,  
Azra Bublin, s. r.

## SLUŽBENE OBJAVE

## REGISTRACIJE

Viši sud u Mostaru rješenjem UF/1-165/95 u registarskom ulošku broj 1-280 upisao je u sudski registar ovog suda osnivanje DJL u privatnom vlasništvu Preduzeće za trgovinu, proizvodnju, građevinarstvo i usluge "ALMA", Export-Import, slijedeće podatke:

Osnivač Hadžihusejnović Munta iz Konjica, vlastitim sredstvima osniva društvo jednog lica-preduzeće u privatnoj svojini za obavljanje privredne djelatnosti. Firma je: Preduzeće za trgovinu, proizvodnju, građevinarstvo i usluge "ALMA", Export-Import, društvo jednog lica, d. o. o. Konjic. Sjedište: Vinka Borasa br. 7/26 Konjic.

Djelatnost: trgovina na veliko i malo prehrambenim i ne-prehrambenim proizvodima, mješovitom robom; trgovina u tranzitu; trgovina putem akvizitera i pokretnih prodavnica; prodaja robe u slobodnim carinskim prodavnicama fri šopova; prevoz putnika i robe u cestovnom saobraćaju; turističke i ugostiteljske usluge; proizvodnja, građevinarstvo i usluge; spoljna trgovina prehrambenim i neprehrambenim proizvodima u okviru registrovane djelatnosti; usluge u okviru registrovane djelatnosti.

Preduzeće ima pravo da zaključuje ugovore, te obavlja druge pravne poslove i radnje u okviru upisane djelatnosti, preduzeće. Odgovara za svoje obaveze cjelokupnom imovinom kojom raspolaže - potpuna odgovornost. Preduzeće predstavljaju i zastupaju u unutrašnjem i vanjskom prometu direktor Hadžihusejnović Sanjin, i zamjenik direktora Hadžihusejnović Alma, bez ograničenja. (so-298)

Viši sud u Mostaru rješenjem UF/1-177/95 u registarskom ulošku 1-286 upisao je u sudski registar ovog suda osnivanje DJL u privatnom vlasništvu Preduzeće "EDO" EXPORT-IMPORT, slijedeće podatke:

Voljevica Dijana iz Mostara, Kočina b. b. osniva preduzeće pod firmom: Preduzeće "EDO" EXPORT-IMPORT DJL d. o. o. Mostar. Skraćeni naziv firme glasi: PP "EDO" EXPORT-IMPORT DJL d. o. o. Mostar.

Djelatnost preduzeća je: trgovina na veliko i malo, trgovina u tranzitu, trgovina putem akvizitera i pokretnih prodavaonica, fri šopova, svim prehrambenim i neprehrambenim proizvodima osim onih čiji je promet zakonom zabranjen; marketinške usluge, promet i veze te spoljnotrgovinski poslovi u okviru registrovane djelatnosti. Preduzeće u pravnom prometu nastupa samostalno i bez ograničenja-potpuna odgovornost. Voljevica Dijana direktor preduzeća zastupa i predstavlja preduzeće bez ograničenja u unutrašnjem i vanjskom poslovanju(so-299)

Viši sud u Mostaru rješenjem UF/I-136/95 u registarskom ulošku broj 1-261 upisao je u sudski registar ovog suda promjenu lica ovlaštenog za zastupanje "HETMOS", Preduzeće za ugostiteljstvo i turizam "MOSTAR-HOTELI", slijedeće podatke:

Kod "HEMOS" Preduzeće za ugostiteljstvo i turizam "MOSTAR-HOTELI" sa p. o. Mostar, izvršava je promjena direktora, tako da je za novog direktora imenovan Hadžajlić Mustafa.

(so-300)

Viši sud u Mostaru rješenjem UF/I-155/95 u registarskom ulošku broj 1-224 upisao je u sudski registar ovog suda promjenu lica ovlaštenog za zastupanje Društvenog preduzeća za proizvodnju posteljine konfekcije "HAMO ČERKIĆ", slijedeće podatke:

Mijenja se osoba ovlaštena za zastupanje preduzeća.

Umjesto dosadašnje osobe Alija Čurić koji je ovlašten za zastupanje preduzeća, nova osoba ovlaštena za zastupanje preduzeća je Kemal Hebib.

(so-301)

Viši sud u Mostaru rješenjem UF/I-175/95 u registarskom ulošku 1-288 upisao je u sudski registar ovog suda osnivanje DJL u privatnom vlasništvu Preduzeće "AKO" EXPORT-IMPORT, slijedeće podatke:

Katica Semka iz Mostara, ul. Mačkića br. 10 osniva preduzeće pod firmom: Preduzeće "AKO" EXPORT-IMPORT DJL d. o. o. Mostar. Skraćeni naziv firme glasi: PP "AKO" EXPORT-IMPORT DJL d. o. o. Mostar.

Djelatnost preduzeća je: trgovina na veliko i malo, trgovina u tranzitu, trgovina putem akvizitera i pokretnih prodavaonica, fri šopovi, svim prehrambenim i neprehrambenim proizvodima osim onih čiji je promet zakonom zabranjen, ugostiteljstvo i turizam, turističko posredovanje, marketinške usluge, promet i veze, proizvodnja građevinarskog materijala, tekstilnih proizvoda, sredstava za pranje, kozmetičke preparate, te spoljnotrgovinski poslovi u okviru registrovane djelatnosti. Preduzeće u pravnom prometu nastupa samostalno i bez ograničenja-potpuna odgovornost. Katica Semka direktor preduzeća zastupa i predstavlja preduzeće bez ograničenja u unutrašnjem i vanjskom poslovanju.

(so 302)

Viši sud u Mostaru rješenjem UF/I-179/95 u registarskom ulošku broj 1-290 upisao je u sudski registar ovog suda osnivanje DJL u privatnom vlasništvu Preduzeće "H7" EXPORT-IMPORT, slijedeće podatke:

Husnić Himzo Mostar, Braće Brkica br. 6 osniva preduzeće pod firmom: Preduzeće "H7" EXPORT-IMPORT DJL d. o. o. Mostar. Skraćeni oblik firme glasi: PP "H7" EXPORT-IMPORT DJL d. o. o. Mostar.

Djelatnost preduzeća je: trgovina na veliko i malo, trgovina u tranzitu, trgovina putem akvizitera i pokretnih prodavaonica, fri šopovi, svim prehrambenim i neprehrambenim proizvodima osim onih čiji je promet zakonom zabranjen, ugostiteljstvo, promet i veze te spoljnotrgovinski poslovi u okviru registrovane djelatnosti. Preduzeće u pravnom prometu nastupa samostalno i bez ograničenja-potpuna odgovornost. Husnić Himzo direktor preduzeća zastupa i predstavlja preduzeće bez ograničenja u unutrašnjem i vanjskom poslovanju.

(so-303)

Viši sud u Mostaru rješenjem UF/I-123/95 u registarskom ulošku broj 1-190 upisao je u sudski registar ovog suda proširenje djelatnosti Društva jednog lica za unutrašnju i spoljnu trgovinu "SEFO-COMMERCE" EXPORT-IMPORT, slijedeće podatke:

Sefo Dževad iz Mostara, osnivač i direktor Društva jednog lica za unutrašnju i vanjsku trgovinu "SEFO-COMMERCE" EXPORT-IMPORT, d. o. o. Mostar, izvršio je proširenje djelatnosti Društva na način što je djelatnost proširio na trgo-

vinu na veliko i malo, trgovinu u tranzitu, trgovinu putem akvizitera i pokretnih prodavaonica prehrambenim i neprehrambenim proizvodima.

(so-304)

Viši sud u Mostaru rješenjem UF/I-114/95 u registarskom ulošku broj 1-244 upisao je u sudski registar ovog suda osnivanje DJL u privatnom vlasništvu Preduzeće za trgovinu, građevinarstvo i usluge "TOLE" EXPORT-IMPORT, slijedeće podatke:

Osnivač Todorović Ranko iz Konjica ulica X. herecegovačke brigade bb osnovao je vlastitim sredstvima društvo jednog lica (preduzeće) u privatnoj svojini. Preduzeće će poslovati pod firmom: Preduzeće za trgovinu, građevinarstvo i usluge "TOLE" EXPORT-IMPORT, društvo jednog lica d. o. o. Konjic. Skraćeni oblik je: Preduzeće "TOLE" EXPORT-IMPORT djl. d.o. o. Konjic, sjedište u ulici X. herecegovačke brigade bb Konjic.

Djelatnost preduzeća je: trgovina na veliko i malo, trgovina u tranzitu, trgovina putem akvizitera i pokretnih prodavnica, prodaja robe u slobodnim carinskim prodavnicama fri šopovi, trgovina na malo neprehrambenim proizvodima, trgovina na veliko neprehrambenim proizvodima, trgovina na malo prehrambenih proizvodima, trgovina na malo prehrambenim proizvodima, prevoz putnika i robe u cestovnom saobraćaju, ugostiteljske usluge smještaja i prehrane, turističke usluge, građevinarstvo, visokogradnja, niskogradnja i hidrogradnja, završni i zanatski radovi u građevinarstvu. Preduzeće obavlja spoljnotrgovinsku djelatnost prehrambenim i neprehrambenim proizvodima, kao i usluge. Preduzeće za svoje obaveze odgovara svim sredstvima kojim raspolaže potpuna odgovornost. Direktor preduzeća je Todorović Ranko i isti je ovlašten da predstavlja preduzeće u unutrašnjem i vanjsko-trgovinskom prometu bez ograničenja.

(so-305)

Viši sud u Mostaru rješenjem UF/I-115/95 u registarskom ulošku broj 1-243 upisao je u sudski registar ovog suda osnivanje DJL u privatnom vlasništvu Preduzeće za trgovinu, proizvodnju, građevinarstvo i usluge "VESNA" EXPORT-IMPORT, slijedeće podatke:

Osnivač Vesna Šuta iz Konjica, ulica Vinka Borasa 6/23, vlastitim sredstvima osniva društvo jednog lica-preduzeće u privatnoj svojini. Firma preduzeća je: Preduzeće za trgovinu, proizvodnju, građevinarstvo i usluge "VESNA" EXPORT-IMPORT, društvo jednog lica, d. o. o. Konjic. Skraćeni oblik firme je: Preduzeće "VESNA" EXPORT-IMPORT, djl. d. o. o. Konjic. Sjedište: u Konjicu Vinka Borasa 6/23.

Djelatnost: trgovina na veliko i malo mješovitom robom, prevoz putnika i robe u cestovnom saobraćaju, trgovina u tranzitu, prodaja robe u slobodnim carinskim prodavnicama-fri šopovi, ugostiteljske usluge smještaja i prehrane, turističke usluge, proizvodnja prehrambenim i neprehrambenim proizvodima, građevinarstvo, visokogradnja, niskogradnja, hidrogradnja, završni i zanatski radovi u građevinarstvu, usluge u robnom prometu, spoljna trgovina prehrambenim i neprehrambenim proizvodima, kao i usluge u spoljnoj trgovini u okviru registrovane djelatnosti. Preduzeće za svoje obaveze odgovara svim sredstvima kojim raspolaže neograničeno - potpuna odgovornost. Direktor preduzeća je Vesna Šuta te je ista ovlaštena da zastupa preduzeće u unutrašnjem i vanjskom prometu bez ograničenja.

(so-306)

Viši sud u Mostaru rješenjem UF/I-103/95 u registarskom ulošku broj 1-238 upisao je u sudski registar osnivanje DJL u privatnom vlasništvu Trgovinsko-građevinsko preduzeće "GUMALIĆ" EXPORT-IMPORT, slijedeće podatke:

Marić Omer iz Mostara osnovao je društvo jednog lica u privatnom vlasništvu pod firmom: Trgovinsko-građevinsko preduzeće "GUMALI" EXPORT-IMPORT DJL d. o. o. Mostar.

Djelatnost preduzeća je: trgovina na veliko i malo, trgovina u tranzitu, trgovina putem akvizitera i pokretnih prodavaonica, uvoz-izvoz prehrambenim i neprehrambenim proizvodima, građevinarstvo, završni i zanatski radovi u građevinarstvu. Preduzeće nastupa samostalno a odgovornost je potpuna.

Direktor preduzeća je Marić Omer, a zamjenik direktora je Marić Merka, te su isti ovlašćeni da zastupaju i predstavljaju preduzeće bez ograničenja. (so-307)

Viši sud u Mostaru rješenjem UF/I-38/95 u registarskom ulošku broj 1-18 upisao je u sudski registar ovog suda uskladijanje statusa preduzeća Društvo jednog lica za transport, trgovinu i usluge EXPORT-IMPORT "DINO-COMMERCE", slijedeće podatke:

Buljina Senada iz Jablanice izvršila je uskladijanje statusa privatnog preduzeća u smislu odredbe člana 165. Zakona o preduzećima, tako da njezino preduzeće nosi naziv: Društvo jednog lica za transport, trgovinu i usluge Export-Import "DINO COMMERCE" d. o. o. Jablanica.

Djelatnost društva je: trgovina na veliko i malo u unutarnjem i vanjskom prometu, transport i usluge. Buljina Senada je ujedno i direktor DJL, bez ograničenja, a za svoje obaveze DJL odgovara svojom cjelokupnom imovinom-potpuna odgovornost. (so-308)

Viši sud u Mostaru rješenjem UF/I-120/95 u registarskom ulošku broj 1-25 upisao je u sudski registar ovog suda osnivanje DJL u privatnom vlasništvu Društvo jednog lica "ELEKTRO-METALIJA" EXPORT-IMPORT, slijedeće podatke:

Društvo jednog lica "Elektrometalija" Export-Import d. o. o. Jablanica osnovala je Krečinić Sanela iz Jablanice.

Djelatnost društva je: trgovina na malo prehrambenim proizvodima, trgovina na malo neprehrambenim proizvodima, trgovina na veliko prehrambenim proizvodima, trgovina na veliko neprehrambenim proizvodima, trgovina na veliko vozilima i dijelovima i pribor, trgovina na veliko derivatima nafte i trgovina na veliko mješovitom robom.

Društvo obavlja poslove spoljnotrgovinskog prometa i to: spoljnotrgovinski promet prehrambenim proizvodima i spoljna trgovina neprehrambenim proizvodima.

Društvo u pravnom prometu sa trećim licima u unutrašnjem i spoljnotrgovinskom prometu zastupa u svoje ime i za svoj račun.

Društvo za svoje obaveze odgovara svim sredstvima s kojim raspolaže.

Direktor društva Krečinić Sanela predstavlja društvo unutrašnjem i spoljnotrgovinskom poslovanju bez ograničenja (so-309)

Viši sud u Mostaru rješenjem UF/I-98/95 u registarskom ulošku broj 1-232 upisao je u sudski registar ovog suda osnivanje DJL u privatnom vlasništvu Prevozno preduzeće "VRELO-TRANS" Export-Import, slijedeće podatke:

Osnivač Gološ Aziz iz Blagaja, osnovao je društvo jednog lica u privatnom vlasništvu pod firmom: Prevozno preduzeće "VRELO-TRANS" Export-Import DJL d. o. o. Mostar. Djelatnost preduzeća je: trgovina na veliko i malo, trgovina u tranzitu, trgovina putem akvizitera i pokretnih prodavnica prehrambenim i neprehrambenim proizvodima, prevoz putnika u cestovnom prometu, prevoz robe u cestovnom prometu, prevoz tereta lokalnih i na duže relacije kamionima i drugim motornim vozilima sa i bez prikolice, usluge u cestovnom prometu.

Preduzeće nastupa samostalno i bez ograničenja, a odgovornost je potpuna.

Gološ Aziz, direktor preduzeća nastupa i predstavlja preduzeće bez ograničenja u unutrašnjem i vanjskom prometu. (so-310)

Viši sud u Mostaru rješenjem UF/I-104/95 u registarskom ulošku broj 1-239 upisao je u sudski registar ovog suda osnivanje DJL u privatnom vlasništvu Trgovinsko-građevinsko preduzeće "BRAČA" EXPORT-IMPORT, slijedeće podatke:

Husnić Ibko iz Mostara osnovao je privatno preduzeće pod firmom: Trgovinsko-građevinsko preduzeće "Braća" Export-Import DJL d. o. o. Mostar.

Djelatnost preduzeća je: trgovina na veliko i malo, trgovina u tranzitu, trgovina putem akvizitera i pokretnih prodavaonica, uvoz-izvoz prehrambenim i neprehrambenim proizvodima, građevinarstvo, instalacioni i završni radovi u građevinarstvu. Preduzeće u pravnom prometu nastupa samostalno a odgovornost je potpuna. Husnić Ibko direktor preduzeća i Husnić Huso zamjenik direktora preduzeća nastupaju samostalno i predstavljaju preduzeće bez ograničenja, u okviru upisane djelatnosti. (so-311)

## SADRŽAJ

|     |                                                                                                |     |                                                                                |     |
|-----|------------------------------------------------------------------------------------------------|-----|--------------------------------------------------------------------------------|-----|
| 278 | Uredba sa zakonskom snagom o izmjenama i dopunama Zakona o amnestiji                           | 617 | Ispravka Naredbe o spisku roba čiji je uvoz na kontingentu "K" i dozvoli ("D") | 618 |
| 279 | Rješenje o osnivanju Ekspertne grupe za saradnju Republike i Federacije BiH sa SR Njemačkom    | 617 | Ispravka odluke o utvrđivanju obima kontingenta za uvoz robe                   | 618 |
| 279 | Rješenje o imenovanju vršioca dužnosti direktora Javnog preduzeća "Bosansko-hercegovačke šume" | 618 |                                                                                |     |

Izdavač: Novinsko-izdavačka organizacija Službeni list RBiH - Sarajevo, Ulica Magribija 3 - Poštanski fah 3 - Direktor i odgovorni urednik Mehmedalija Huremović - Telefoni - direktor: 663-470, fax 663-470 - Redakcija i Pretplata: 663-471 - Računovodstvo: 651-257 - Poslovnica, Malta 21, telefon 657-441 - Akontacija pretplate se utvrđuje kvartalno, a uplata se vrši UNAPRIJED u korist računa: 10100-603-1396 za dinarsko poslovanje i računa: 10100-603-639 za devizno poslovanje - Kompjuterska obrada: NIO Službeni list RBiH Sarajevo - Štampa: »OKO« dd sa p. o. Sarajevo - Za štampariju Rasim Rapa - Reklamacije za neprimljene brojeve primaju se 20 dana od izlaska lista.

Prema mišljenju Ministarstva obrazovanja, nauke, kulture i sporta broj: 08-114-4/95 od 13. 3. 1995. godine, službeno glasilo smatra se proizvodom iz člana 19. stav 1. tačka 12. Uredbe sa zakonskom snagom o porezu na promet proizvoda i usluga, za koje se ne plaća porez na promet proizvoda, a po mišljenju Ministarstva finansija broj 05-021-1768/95 od 28. 3. 1995. godine, prodaja službenog glasila ne spada u prodaju proizvoda koji služe krajnjoj ličnoj potrošnji, te ne podliježe plaćanju poreza trgovine na malo.